



LIPOTI MO LE FONO AOAQ FAITULAFONO

**“Tulafono Tau Faaofi o Teuteuga o le Tulafono
o Eleele, Fuagafanua ma le Siosiomaga 2015”**

Komiti o Galuega, Felauaiga & Siosiomaga.

1. FAUTUAGA:

E fautuaina e le Komiti o Galuega, Felauaiga & Siosiomaga le Fono Aoao ina ia faautagia lana Lipoti.

2. TULAFONO TAU FAAOFI NA ILOILOINA:

(Tuuina atu 30/06/2015)

Tulafono Tau Faaofi o Teuteuga o le Tulafono o Eleele, Fuagafanua ma le Siosiomaga 2015.

Na iloiloina e le Komiti o Galuega, Felauaiga & Siosiomaga¹ le Tulafono Tau Faaofi o Teuteuga o le Tulafono o Eleele, Fuagafanua ma le Siosiomaga 2015, e tusa ai ma le Faatonuga na tuuina mai e le Fono Aoao Faitulafono i le aso 30 o Iuni 2015, mo le iloiloina ma toe Lipoti atu.

3. TAUALUMAGA:

Na valaauina e le Komiti le mamalu o le atunuu e ala i se faasalalauga faalauaitele i luga o le Televisi (S.Q.B. TV 1) ma le leitio faasalalau a le Faalapotopotoga o Faasalalauga (2AP) mo ni finagalo faaalua po o ni finagalo tusitusia e faatatau i leni Tulafono Tau Faaofi.

Na tapā e le Komiti le fesoasoani a i latou nei a o faagasolo ana iloiloga.

FESOASOANI (T. T. 156)

Ofisa o le Loia Sili:

Tuatagaloa Aumua Ming.C Leung Wai	-	Loia Sili
Meiapo Faasau	-	Tusi Tulafono Lagolago
Lizatalei Hakai	-	Tusi Tulafono
Steffany Meredith	-	Tusi Tulafono

¹ SO 176, TUSA Misi Tupuola, AFOAFOUVALE John Moors, LEALAILEPULE R. Aiafi, LEVAOPOLO Talatonu, PESETA Vaifou Tevaga, TOEOLESULUSULU C.P.S.S., FAGAIVALU Kenrick Samu.

Matagalulega o Punaoa Faanatura ma le Siosiomaga.

Salā Josephine Stowers - Loia Faufoutua

Pulega o Felauaiga i le Laueleele.

Leasi Galuvao Vainalepa - Ofisa Sili o Pulega

4. SAILILIGA:

- 4.1 O lenei Tulafono Tau Faaofi o lea teuteu ai le Tulafono o Eleele, Fuagafanua ma le Siosiomaga 1989 (“Tulafono Autu”), ina ia iai se avanoa e faatagaina ai nisi tagata e latou te faamamaluina aiaiga o tulaga o le faaotaota, i lalo o le Tulafono Autu, e aofia ai tagata ofisa e faamalosiā o le Pulega o Felauaiga i le Laueleele.

O nisi o itu talafeagai sa matauina e le Komiti, ua taumafai lenei Tulafono Tau Faaofi, ina ia faamalosiā le usitaia o le Tulafono e puipuia ai le siosiomaga, ma ia ōgatasi le teuteuga o lo o talanoaina ma faiga faavae a le Malo.

Ua faamamafa mai e lenei Tulafono Tau Faaofi le suia lea o “*Tagata Ofisa mo le Faasaoina*” po o “*o Tagata Ofisa mo le Faasaoina*”, lea o lo o i totonu o le Tulafono Autu po o i nisi tulafono i le “*tagata ofisa faatagaina*”, po o “*o tagata ofisa faatagaina*”, e faamalosiā lenei Tulafono Tau Faaofi, mo le puipuiga o le siosiomaga i tulaga o le faaotaota i nofoaga faitele faapea ma nofoaga faasao.

O le isi o suiga laitiiti o lo o iai i le Tulafono Tau Faaofi, e aofia ai le suiga o upu, lea o le a lē toe faaogaina ai le Sui Faatonu Sili o Eleele, Fuagafanua ma le Siosiomaga i le Ofisa Sili Lagolago o Pulega.

Na faaalā ni atugaluga o le Komiti e faatatau lea i malosiaga o lea tuuina atu i le “tagata ofisa faatagaina” (authorized officers), pe a suia mai i le “Tagata Ofisa mo le Faasaoina” (conservation officer), ona afai ae pasia lenei Tulafono Tau Faaofi, o le a tulai mai ai se tulaga o le a faatinoina uma ai e tagata ofisa faatagaina nei matafaioi. E le gata i o latou matafaioi i lalo o le Tulafono a le Pulega o Felauaiga i le Laueleele 2007², ae faapea foi malosiaga o matafaioi tauave i lalo o lenei Tulafono Tau Faaofi³.

Na feiloai le Komiti ma le Pulega o Felauaiga i le Laueleele i le Aso 24 o Aokuso 2015 ma maua ai, e lei auai lava i le faatalanoaga atoa o lenei Tulafono Tau Faaofi, vagana ai le amataga o faatalanoaga i le 2012 na aofia ai ma le Pulega o Tagata Tafafao Maimoa mai Fafo, e faatatau i luga o se fautuaga na tuuina atu e le Malo. Na faaalā se lagona tetee o le Pulega i lea tulaga ma na o latou

² Fuaiupu 52 & Fuaiupu 55 (*Tulafono o le Pulega o Felauaiga i le Laueleele 2007*).

³ Fuaiupu 4 ..”ua suia ai faasinomaga i le “*Tagata Ofisa mo le Faasaoina*” po o “*Tagata Ofisa mo le Faatagaina*” o i totonu o le Tulafono Autu po o i nisi tulafono, i le “*tagata ofisa faatagaina*” po o “*o tagata ofisa faatagaina*”.

talosagaina ai le Komiti, mo se avanoa e toe soalupule ai lenei tulaga faatasi ma le Ofisa o le Loia Sili, ma le Matagaluega e ona o le tulafono. Ma sa faatonuina ai loa e le Komiti Matagaluega uma o lo o aafia i lalo o lenei teuteuga ma tuuina atu ai se tusi a le Komiti i le aso lava lea, ina ia toe tagatagai i le tulaga e pei ona laga ai atugaluga o le Komiti ma le Pulega o Felauaiga i le Laueleele.

O le aso 01 o Setema 2015, na tuuina mai ai loa se Pepa Aloaia, e faailoa mai ai le iuga o lea faatalanoaga sa auai ai le Ofisa o le Loia Sili, Pulega o Felauaiga i le Laueleele, Matagaluega o Punaoa Faanatura ma le Siosiomaga ma le Matagaluega o Leoleo. O lea pepa na faailoa mai ai se maliliega e faapea “.o le a saunia e le Ofisa o le Loia Sili se Pepa o Maliega Tusinga Faaletulafono (MOU) i le va o Ofisa nei”, ina ia manino tulaga moomia mo le faatinoina o lenei Tulafono Tau Faaofi.

5. ILOILOGA AUILIILI O LE TULAFONO TAU FAAOFI:

I le Iloiloina Auiliili o lenei Tulafono Tau Faaofi, ua faamalieina le Komiti ma o lo o talafeagai aiaiga uma ua faatulaga mai.

6. IUGAFONO:

I le maea iloiloina o le Tulafono Tau Faaofi na faaiugafonoina ai e le Komiti e fautuaina le Fono Aoa,

Ina ia faagasolo le Tulafono Tau Faaofi o Teuteuga o le Tulafono o Eleele, Fuagafanua ma le Siosiomaga 2015, e aunoa ma se teuteuga.

7. SAINI A SUI O LE KOMITI:

TUSA Misi Tupuola
TAITAIFONO

AFOAFOUVALE John Moors
SUI TAITAIFONO

LEALAILEPULE Rimoni Aiafi
SUI USUFONO

LEVAOPOLO Talatonu
SUI USUFONO

PESETA Vaifou Tevaga
SUI USUFONO

TOEOLESULUSULU C. P. S. Schuster
SUI USUFONO

FAGAAIVALU Kenrick Samu
SUI USUFONO